

幸州奇氏族譜序

綜收同貫之族，統示紹體之一源。以深氏族相愛之觀念，以興孝悌睦婣之風者，宗法廢後，顧莫如大譜。乃散處各地，聲氣有所不通，各持其論，大譜之難久矣。顧考歷代吾譜，以蘆沙先生之盛焉，同貫之大備無如是梓。幸近貞武公墓齋，群孫齊力新築，貞武公叔祖後孫分殊助力，喚起理一之念。貞武公在天之靈，豈不曰吾有後耶。望須吾族深推是鋟之心，敦勵事業，以樹家聲，勉育裔進，世出賢良焉。所恨南北分疆，在北家未及統一。於是役，不以九莖無似，妄加有司之責，兼以弁譜之文，表昏此腕，豈期達意。

昔丁酉三月念日

後孫字米謹書

幸州奇氏族譜序

昔先王之世所以管攝天下使民興於孝悌睦婣之風者宗法爲大昭垂
前人成憲使後世不迷於趨舍之塗者史法爲嚴族譜者一家之私耳而
實具此二義焉此譜之所以關於世教而修譜之爲未易也雖然宗法者
如木之自本而幹自幹而支有不待安排而然者有欲推移而不可得者
若夫史則有疑信之傳顯幽之權故宗法定於天史法成於人宗之綱條
易尋史之義例難明也抑譜之比國史又有難焉國史有左右之記南北
之簡我苟得其義焉則其事其文可按而知也凡譜必合諸家牒錄人家
有牒大抵皆微矣至於一世之積爲數十百世一人之分爲百千萬人又
有族之所同其事極爲煩悉以至微而御至悉難乎湊成片段况其支裔
散在一域漫漶磨滅之患生焉遺澤僅及五世私勝恩掩之蔽起焉零記
瑣錄又安得一一徵信乎是故史於國尚易史於譜爲難也族之有譜尚
矣而莫甚於我東然其源流之遠而長獨推吾奇氏近世又極瑣尾文獻

之家。厯若晨星。夫源流長則記錄杳茫。文獻不足則稽考無因。故譜之難明。又莫如吾譜也。竊計中葉盛時。當不至如今沉埋而家藏。戊辰甲午二舊譜。其規模條例。胥或未免有可議諸宗病焉。今距甲午恰已一周甲。修譜之事。不可以曠也。經始有年。至今年夏。功告成。族大夫象儉氏實主其事。而正鎮之孤寡。謬居攷校之列焉。夫以修譜未易。而吾譜為尤難。則吾譜如何其可修也。竊以譜之難。史也。史之難。惟明於尊君父之義者。可以修之。譜之難。惟明於尊祖重宗之義者。可以修之。史苟以尊君父之義為主。則其義例。雖不中不遠矣。然則明乎宗。乃可以明乎史也。凡此譜未暇博採。廣搜。只據見在二譜。本之戊辰。以正其始。叅之甲午。以致其詳。其回筆。必有疏記。其迷茫。附之傳疑。蓋有百世後人之意。而不敢以一日苟簡之篇。為吾事已了也。凡若此者。其於史中。字不中字。覽者必有以辨之。若姓系之源委。世德之淵懿。舊譜之敘述。畧備。此不重述焉。

甲寅舊譜序

後孫宗鉉

今之譜法與古之宗法相表裏吾奇自受姓以後歷麗迄我名賢碩德不絕書於史乘而根培枝達源溪流長獨推吾譜者寔出於世人之公評其非祖宗之深仁厚澤累千歲而不斬者耶嗚呼休哉惟我貞武公爲再基之祖清白節義壁立千仞德陽高峯兩先生繼作道學文章與東方天壤相爲終始近得蘆沙先生絕學復明以當一治之運往在丙申之修譜先生秉春秋之筆其規模之簡嚴綱紀之纖悉可以質諸鬼神而無疑及夫庚寅先生之孫前寢郎宇萬繼而修之紹先啓後至矣盡矣則嗣是而修譜者惟遵規矩事半於古而功必倍矣今距庚寅不過二十有五年而諸宗僉議咸曰古云末俗易高險塗難盡難易之間正當明着眼審着脚今日之所以着眼着脚者當以收宗族爲第一義諦且夫海西家不入於庚寅寅譜每爲之憮然今復編入則警諸江漢之支流終歸于江漢又只是元初水然則向所謂憮然者即祖宗均視之心以是心爲譜孝悌之心油然而

而生有不待安排而然者。蓋尊祖重宗爲修譜之骨髓而尊祖重宗之道不外乎孝悌。凡我諸宗勿以簡編之成爲吾事已了。早夜孜孜從事於斯。則今日之譜尤有關於世教者。其不然哉。始役於癸丑秋成於翌年孟夏。諸宗老少一心致力而始終獨賢者族孫宰也。宗鉉朽散愚戇謬居有司之列。譜將印俾記其顛末故謹爲序。

庚寅舊譜序

後孫陽衍校理

譜有序尚矣。而吾奇氏今日之譜雖無序可也。何者前此吾譜凡三重刊。始於戊辰中於甲午大備於丙申。時則有蘆沙先生爲之裁定譜法其規模簡而嚴義例精而詳。綱條停當加減一毫不得信疑無混可俟百世不惑嗣是而修者當以子孫之後生者添錄之誌狀之後出者增附之而已。規模義例一切因之不容下手於其間。况其弁卷先生手筆。悖本收族之義。紹先垂後之謨。既包涵之發明之無纖毫未盡底蘊。今雖欲爲序可將何辭贅之。且先生脚下雖敢觚墨爲哉。向所謂無序而可者。此也。先生之

孫寢卽字萬克肖典型文章又渾浩不窮方且主幹譜事必欲序之字萬
其人也乃以年行稍先讓于陽衍陽衍衰朽膚淺不唯所不敢實亦所不
能而奈字萬之固讓何第有一言可以勵諸族而無自勸者修譜之義尊
祖二字盡之究言之先生之所以爲先生亦不外是今日同譜諸宗不惟
先生譜法是遵一言一行惟先生是則是倣則祖宗之心法在是祖宗之
家風不墜豈不休哉竊伏惟念吾先世偉蹟懿行遠德厚仁相望於卷中
有難徧舉姑就其最著而言之惟我貞武公節義道學扶植三綱師表百
世及子文憲文憲兩先生繼作而貞武之遺光益顯近又得先生而兩先
生之道脉尤有光焉嗚呼祖宗世遠先生時近遠則難追近則易感法先
生乃所以法祖宗可不勉乎或曰丙申譜廣蒐同姓以爲全譜今則獨詳
於貞武雲仍而如海西諸派之曾所編入者亦不收錄此與先生之意得
無異子曰先生嘗序人家譜牒有曰全譜派譜各爲修譜家一道而事簡
情賈派譜爲得由此觀之今日之譜實先生之遺志也况異派之願入者

許入不願者不強此則不專於派譜而參用全譜之規可謂譜法之折衷者也至若海西之路覺便絕情有所不通勢有所不行何必梗爲湊合子願諸宗無患收族之不廣惟患法先生之未摯焉請書此以爲新譜序

甲午舊譜序

我 英宗五十年

趙璫

初名璫
荷璫

奇氏之先出自箕子按史記箕子與微子皆姓子氏微子既歿而其子孫散處中國爲商氏殷氏宋氏皇父氏華氏向氏戴氏樂氏孔氏凡九姓而孔氏特著箕子東封朝鮮傳國四十有一世遷于金馬又歷八世至元王始國除而其子得姓者三曰鮮于氏曰韓氏曰奇氏而獨奇氏之系既詳且遠與中國之孔氏無以異焉然中國之人自三代時皆有世譜攷於周官之奠繫世而其制可也而東人之爲譜也昉于高麗之式目焉則奇氏之能獨詳其先系滌之累千歲而無缺者豈不誠異乎哉今奇氏之宗有能繼修其譜者司諫院右正言彥鼎甫實主其事譜旣成問序於琰琰覽而歎曰盛哉譜也得聖人爲之祖而又有服齋高峯二先生以道學名世

爲奇氏者其孰不夙夜警勵上繼二先生不怠以及於聖人哉而况譜者一家之文獻耳譜修則代明代明則德著德著而先祖之心可跡先祖之心可跡而子孫之則在是矣譜豈徒然哉詩曰無念爾祖其勉之哉噫昔夫子之宋得乾坤焉奇氏之於箕子猶殷之有宋也苟使夫世其文獻而不墜則異日中國有聖人者作而求觀于箕子之遺禮吾知其必徵諸奇氏遂書以爲奇氏族譜序

又序

尹著東

左相

姓有譜尚矣譜之作其見聖人之意乎古者包犧正氏以重人倫之本夏后錫姓因其所生之土人之有姓氏將以宗息愛厚親親遠禽獸別婚姻生相慶死相哀也不有紀世別類統係而聯屬之何以尋流知源由根達葉尊其祖敬其宗以生其孝悌敦睦之心乎歷代因之甄定門胄品藻人物有司選舉必於是稽官以世閱譜有世官或分職而管攝之或置局而修錄之于以勸孝悌敦睦故鄉黨之行修人物之道長冠冕之緒榮教化

之風美庸非有國所重乎。叔季政弛先王之法，雖不可復，私相蒐輯，各勉忠善，式穀以似，無忝所生，則亦有裨於世教也。大矣。余喜觀人家譜系，仍以溯求古聖人遺意，竊有感焉。一日奇正言彥鼎氏，襍被訪余于西坡之鳳樓山下，齋其新刊幸州譜而屬為序。余受而閱，作而曰：盛矣哉！譜也。其聖東來為萬世父母師保而奇實祖之，自元王傳至八十餘世，名諱官爵無逸焉。何其顯而遠也。顯則有德，遠則有本，宜其行義文章道學忠節，相望於卷中。至于今代，不乏書也。國家修明古制，齊其政一其門，使下知禁如管子之言，將族望次第是求，舍是譜奚先。嗚呼！譜不可不刊，而其有待於聖朝一治之政也。歟！其非奇氏巾衍私藏之物也歟。雖然，不能觀感刻勵以善族，宜家亦何所藉手於斯譜也。在易之同人曰：文明以健中正而應其大衆，曰君子以類族辨物。蓋天德中正，火體文明，審異致同，處不失方，以至於四海為一家，中國為一人，情無不孚，恩無不洽，而類族辨物之時義備矣。此世之世，其族者所宜先講也。源遠而流長，根深而葉茂，如

奇氏者吾知其必益崇恩愛益厚親親以永詩禮之傳子子孫孫勿替而無斁也請以是揭諸卷首為有譜家之倡

戊辰舊譜序

我

肅宗十四年

後孫挺翼

松奉

吾奇氏豈無譜也蓋古有而今亡矣吾奇譜豈久不述也前後諸族咸致力而未及完今南中族人輩修潤其前後之所未完者十二三而譜乃成諸族之於譜可謂勤且勞矣雖然吾族人亦知吾譜之有裨於後世也耶蓋吾奇實本於殷太師箕子玄胄杳茫今雖難稽而箕之為奇史不可誣幸州之後自始祖迄今系牒不差其在麗朝世有令德功施于民而及至數世氏大族盛名位太過顧有盛滿之戒不幸轍輪執國命而為蘖芽矣極而圯理亦固然噫噫痛矣當此時雖以吾祖先之積善餘慶亦無以救焉賴有我貞武公出而奇氏實再造矣何者昔韓之張氏五世而有子房者出然後人始知有張氏晉之陶氏數公而有淵明者出然後世始知有陶氏夫張與陶之先豈無達官大爵而必待二公而顯者豈不以二

公之偉節清風本於天命民彝之不泯有以撐柱綱常扶植世教而然也
人苟知 貞武之於張陶二公異世而相符殊道而同歸則非徒信吾奇
之再造而亦知吾譜之有裨於世教也審矣嗚呼吾 祖之偉節清風而
其可泯耶若言其繁則公之學行本於庸學既純且正而得際遇於我
世廟位躋一品而歷 文至 魯矣嗚呼易曰知微知彰萬夫之望獨見
幾於急流未五十而致仕非知微而能然乎目不逃於刃刺竟全節於溝
壑非知彰而能然乎志無負於六臣而事尤難於先退實有萬夫之望而
幾乎無得而稱宜乎世徒知六臣之忠之烈而不深知吾 祖之節之高
為難及也悲夫抑又聞鄭松江稱金河西曰東方無出處獨有湛齋翁夫
賢如松江而東方出處之正稱獨於河西其非考未詳而泛稱之耶愚竊
以為前貞武而後河西庸何傷於並美所謂其揆一也且公有賢孫德陽
高峯二公皆以道學文章為我東宗儒是亦豈非醴泉之流而興吾宗者
耶夫如是則觀吾譜者又庶幾不以今之陵替無人輕吾譜而顧吾瑣瑣

零丁之孫，蓋亦知勉。嗚呼！國朝之名儒列卿，今古何限，而空言不若著之行事。故吾之陳世德，必舉張陶二公，以及夫數先生者，豈無意乎？言之匪誇，謹待篤論之君子。譜將印，族人咸屬余為序。

甲辰海西舊譜序

我

顯宗五年

李漢命

修撰

幸州奇氏世譜者，奇君命赫所編也。一日袖其譜，視余曰：吾先本自殷太師，太師東封後，至四十代孫否？始以箕為姓，子準移都金馬郡，號馬韓王。馬韓末有屐孫三人，曰平為鮮于氏，曰誠為幸州奇氏，曰諒為上黨韓氏。此吾奇氏所源，而其後代有聞人，或以勲業著，或以孝廉舉，或以道德文章名，偉績懿行，相望簡冊，為世大姓。顧舊有世譜，失而不傳，而年代浸遠，子孫浸弱，使祖先遺烈雲仍，後派將無所考信。此固非余不肖孫責，遂慨然謀諸同宗，蒐輯放失舊譜，修其系牒，自鼻祖平章事諱純祐以後，二十二世子孫，無內外悉錄之，仍弁以先代誌狀諸文，編為二卷。既成，又各出力，鈔梓以壽其傳。子盍識之。余受而卒，綦曰：諾。子之譜自近而及遠，由親

而至於踈博考廣詢窮探遍索積以歲月之久費以工役之鉅而能卒有成焉其用意亦已勤矣噫觀是譜者其不有孝悌之心油然而生者乎吾見世之人雖名爲士大夫者徃徃忘其先自數世而上或不詳其名字况於族其有能厚而不薄者耶聞吾子之風亦可以少愧矣昔程夫子云管攝天下人心收宗族厚風俗須是明譜系嗚呼若吾子者可謂能是道矣其亦可敬也已余於奇氏亦外裔也旣嘉子之志樂其譜之成也於是乎書

幸州奇氏族譜甲編初疊

一世

奇純祐

高遷
仁宗時人官門下平章事

二世

子守全

守一作壽官金紫光祿大夫守太師侍郎同中書門下平章事配郡夫人宋氏左侍中清女歐陽玄撰榮安王子教碑云公為樞密副使

三世

子允偉

官上將軍見東國兵鑑

子允肅

肅一作倣官金紫光祿大夫守太師侍郎同中書門下平章事上柱國判吏部事工將軍

高宗丁巳四月丁卯卒謚康靖李相國奎散為公作還食齋記及詩又為公挽詩見本集及東文選

四世

女孫廷烈

宰臣子孫介將軍

子洪壽

歷上三韓三重大臣門下侍郎同中書平章事謚景懿

子洪穎

穎一作衍官左右衛保承郎將贈銀青光祿大夫尚書右僕射配郡夫人長興任氏判司宰寺事景恂女良淑公滯孫元厚曾孫河東鄭叔瞻外孫墓俱在牛峰縣南

五世

无后

子蘊

見本編二板

子瑄

見上全

女崔守璜

江陵人贊成子崔斯立典書

女金承茂

女宋琰